



Ազգարարութեան Trumpet's Sound կիոն

53-րդ ՏԱՐԻ, ԱՒՏՈՐԱՍԻՆ
ՅՈՒՆԻԼԻՍ - ՕԳՈՆՏՈՒ 2022



«ԱԶԳԱՐԱՐՈՒԹԵԱՆ ՓՈՂ»
Երկամսյա հոգեւոր քերթ

Պատասխանատու խմբագիր՝
հովիտ Հրաչ Գոյցուճեան

ACM AUSTRALIA
PO BOX 1593,
CHATSWOOD NSW 2057
EMAIL: hkiujian@acmaust.org
URL: www.acmaust.org



Բովանդակութիւն

| | |
|-------------------------------------|----|
| Արդեօք հիւրասէ՞ր եք..... | 3 |
| Հովիտ Հրաչ Գոյցուճեան | |
| Տիտանիկը..... | 5 |
| Ալքս Տիրապ | |
| Բարի համբաւ..... | 7 |
| Ներսէն եղբ. Պոյսաճեան | |
| Դարուստ մեռնիլ ուզող նաւաստիճն..... | 10 |
| Քաղուած | |
| Յիսուսի հետեւիլ..... | 12 |
| Քաղուած | |
| Դիւանդանոցի պատուհանը..... | 13 |
| Քաղուած | |
| Փոքր հաւատքը կրնայ լեռներ | |
| տեղաշարժել..... | 15 |
| ԱՍՄ | |

Կազմի նկարը՝ Կարմիր ծաղիկ, ACM,
Ապրիլ 2007թ.:

Փա՛ռք տուէք Աստուծոյ՝

- Իր բարութեան եւ մեր բոլոր կարիքները հոգալու համար,
- Երեւանի մէջ նոր շնչք ձեռք բերելու համար,
- աղքատներուն եւ կարիքաւորներուն օգնելու հնարաւորութեան համար,
- Աւստրալիայէն Դայաստան ուղարկուած ապրանքներուն համար,
- հիւանդներու կարիքները հոգալու համար:

Աղօթքի նիւթեր՝

- Աղօթք՝ օգոստոսին Դայաստան այցելող միսիոնարական խումբի համար:
- Աղօթք, որ Աստուծոյ Յոգին առաջնորդէ մեզ մեր բոլոր գործերուն մէջ:
- Խնդրէք Տիրոջը օրհնել մեր հովանաւորներուն եւ աջակիցներուն:

Արդեօք հիւրասէ՞ր էք

«Սուրբերուն պէտքերուն հաղորդ եղէք. հիւրասիրութեան ետեւէ եղէք» (Հռովմ. 12:13):

Աստուած կը քաջալերէ մեզի հիւրասիրութեամբ ծառայել ամէն օր:

«Հիւրասիրութիւնը մի՛ մոռնաք, վասն զի անով ոմանք իրեշտակներ ընդունեցին առանց գիտնալու» (Երք. 13:2):

«Իրարու հիւրասիրութիւն ցուցուցէք առանց տրտունց ընելու» (ԱՊետ. 4:9):

Ես կը սիրեմ այս համարները, որոնք կը խրախուսեն մեզ հիւրասէր ըլլալ: Բարի սամարացին ամէն ինչ ըրաւ խեղճ վիրաւորին օգնելու համար:

«Հետեւեալ օրը, երբ կ'ելլէր անկէ, երկու դահեկան հանեց՝ պանդկապետին տուաւ եւ անոր ըսաւ. «Հոգ տար ատոր ու ինչ որ աւելի ծախք ընես, ետ դառնալուս ես քեզի կը վճարեմ»:

Որքա՞ն կ'արժէ հիւրասէր ըլլալը.

1. Գումար. շատ անգամ մեր պատճառաբանութիւնը ծախսն է:

Այո՛, երբեմն ինչ որ մէկուն վկայելու համար գումար պէտք է ծախսենք, բայց կը մոռնանք, որ Տէրք կ'ապահովէ մեր բոլոր կարիքները: Անապաշխար մարդկանց ընթրիքի հրաւիրելով կարող ենք հող պատրաստել Զրիստոսի սիրոյ մասին պատմելու: Աստուած մեր սրտերուն մէջ որքա՞ն մեծ ուրախութիւն կը դնէ, երբ անոնք կ'ընդունին Յիսուսին որպէս Փրկչի, այդ ժամանակ ծախսը ոչինչ կը բուայ կորած հոգիներու փրկութեան համեմատած:

2. Ժամանակ. ժամանակ գոտէք հիւրասիրութիւն ցուցաբեկնելու համար: Շաբաթը 168 ժամ ունինք, երկու ժամով ընկերոջդ տուն հրաւիրելը գուցէ կեանքեր փոխսէ, վերքեր բուժէ, մխիթարութիւն եւ ուրախութիւն պատճառէ ինչ որ մէկուն: Արդեօք պատրաստ էք ձեր ժամանակը տրամադրել ինչ որ մէկուն Զրիստոսին առաջնորդելու համար:

3. Զանք. Այո՛, մենք շատ ջանք կը գործադրենք կեանքին մէջ շատ բաներու համար, բայց իիլրմէկալ ոլլալու համար ջանք գործադրելը բան մըն է, որ Աստուած կ'ուզէ տեսնել հաւատացեալներուն մէջ: Տէրը պիտի օրինէ ձեր ջանքը եւ համապատասխանաբար հատուցանէ ձեզ:

Նախքան ձեր ընկերներուն հրաւիրենլը, աղօթեցէ՛ք ու Տիրոջմէ իմաստութիւն խնդրեցէք: Աղօթեցէ՛ք, որ օրինութիւն դառնանք անոնց համար, եւ անոնք՝ ձեզ համար զգո՞յշ եղէք եւ համոզված եղէք, որ զրոյցը բամբասանքի չի վերածուիր, այլ որ Տէրը փառաւորուի այդ ամէնուն մէջ:

Օր մը ես եւ տիկինս հրաւիրուած էինք, երբ հասանք այնտեղ, տեսանք հրաւիրուած այլ ընկերներ: Ես սովորաբար կ'աղօթեմ, որ Տէրը վերահսկէ մեր խօսակցութիւնը, եւ որ մենք փառք բերենք Իրեն, եւ ահա թէ ինչ եղաւ աւարտին: Աստուածաշունչէն հատուած մը կարդացինք. աղօթեցինք, եւ զրոյցը Աստուծոյ Խօսքին շուրջ ընթացաւ, բոլոր ներկաները օրինուեցան եւ Աստուած փառաւորուեցաւ: Մենք բոլորս տունէն դուրս եկանք մխիթարուած եւ օրինուած:

Ե՞րբ վերջին անգամ ձեր ընկերներուն ընթրիքի հրաւիրեցիր:

Հ. Գ.

«Յոյսով ուրախ եղէ՛ք. նեղութեան մէջ համբերեցէ՛ք. ստէպ աղօթքի կեցէ՛ք.

սուրբերուն պէտքերուն հաղորդ եղէ՛ք. իիլրասիրութեան ետեւէ եղէ՛ք.

ձեզ հալածողները օրինեցէ՛ք եւ մի՛ անիծէ՛ք. խնդացողներուն հետ խնդացէ՛ք

եւ լացողներուն հետ լացէ՛ք. իրարու վրայ միեւնոյն խորհուրդը ունեցէ՛ք.

ամբարտաւանութիւն մի՛ ընէ՛ք, հապա խոնարհներուն հետ խոնարհեցէ՛ք,

ինքինքնիդ իմաստունի տեղ մի՛ դնէ՛ք. չարութեան փոխարէն մէկո՞ւն չարութիւն մի՛ հատուցանէ՛ք. բոլոր մարդոց առջեւ բարի բաներ ընելու հոգ տարէ՛ք: Որչափ կարելի է ձեզի՛ ամէն մարդու հետ խաղաղութիւն ունեցէ՛ք:

Սիրելինե՛ր, Վրէժինդութիւն մի՛ ընէ՛ք ձեր անձերուն համար...»

Հռովմ. 12:12-19

Տիտանիկը

Արդեօ՞ք դիտած էք «Տիտանիկ» ֆիլմը: Զիս գրաւած էք, այսպէս կոչուած, շխտրտակուող նաի եւ անոր վրայ ճանապարհորդող մարդկանց պատմութիւնը: Ֆիլմին մէջ յատկապէս մէկ տեսարան մը կայ, որը չեմ կրնար մոռնալ. Ատլանտեան ովկիանոսի վրայ, կէս գիշեր է, ծովը կատարեալ հանգիստ է, աստղերը կը փայլին դաժան ցուրտ գիշերուայ մէջ: «Տիտանիկը» ամբողջ հօրութեամբ առաջ կը շարժուի, չնայած որ նաւապետին զգուշացուցած էին սառնալեռներու մասին: Սա պարզապէս ծովային ճամփորդութիւն մը չէր, այն նաև էկոյի ճամփորդութիւն էք: Երբ դիտորդ-նաւաստիները նկատեցին իրենց առջեւ գտնուող սառնալեռը, շարժիչներու աշխատանքը հակադարձեցին, եւ դեկը ամուր դարձուցին: Բայց հսկայական նաւը շրջելու համար ժամանակ կը պահանջէ: Սառեցնող լրութիւն եւ անհանգրատութիւն կը տիրէ, քանի որ նաւը կը շարունակէր ընթանալ՝ իր սեփական բափի ներքոյ դէպի վերամբարձ սառնալեռը: Թանկարժէք վայրկեանները կ'անցնին, երբ անձնակազմը սառած սարսափով կը հետեւէ՝ մտածելով, թէ արդեօք դեկը ժամանակին պիտի շրջէ նաւը՝ բախումէն խուսափելու համար: Դեկը, որն իրականութեան մէջ չափազանց փոքր էր հսկայ նաի նկատմամբ, կամաց-կամաց նաի ուղղութիւնը թերեց, սակայն «Տիտանիկ» պարզապէս չկրցաւ բաւական արագ փոխել ուղղութիւնը: Սառնալեռը բախուեցաւ նաի մէկ կողմին՝ մեծ ճեղք առաջացնելով, որու արդիւնքով ուղեւորներու եւ անձնակազմի մեծ մասը մահացան: Նաւը, որը մարդիկ կը պնդէին, թէ նոյնիսկ Աստուած չի կրնար խորտակել, իրականութեան մէջ խորտակուեցաւ Ատլանտեան ովկիանոսի յատակը:

Ես չեմ ուզեր հոռեւտեսի տպաւորութիւն ճգել, բայց իրական իրադարձութեան այս ցնցող վերստեղծումը ստիպեց զիս լաւ մտածել մեր՝ որպէս անհատներու կամ եկեղեցիներու՝ անհրաժեշտութեան պարագային ուղղութիւնը շուտ փոխելու ունակութեան մասին: Հետաքրքրական է, թէ որքան յաճախ փոխուելու հանդէպ դժկամութիւն դրսեւորած ենք՝ զուտ մարդկային էկոյի պատճառով: Դժուար է խոստովանել, որ այն, ինչ մինչեւ այս պահը ըրած ենք այլեւս տեղին չէ: Կամ գուցէ մենք չենք կրնար բաւական արագ ուղղութիւնը փոխել անց-

եալի ստեղծած քափի եւ «Այսպէս մենք միշտ ըրած ենք» պատճառաբանութեան պատճառով: Որոշ եկեղեցիներ խորտակուեցան, քանի որ չկրցան բաւական արագ իրենց ուղղութիւնը փոխել, երբ ակնյայտօրէն անհրաժեշտ էր այդ, կամ, ինչպէս «Տիտանիկը», սկսեցին շատ ուշ փոխել այդ: Ինչպէս նաևաստի-դիտորդներու խումբը, անոնք որոնց գործն էր անընդհատ առաջ նայիլը, պարզապէս չունեին հեռուն տեսնելու տեսլականը:

Եկէք խորաթափանց ըլլանք. երբեմն քուացեալ հաւատարմութիւնը ոչ այլ ինչ է, քան անճկունութիւնն ու նորի կամ տարբերի հանդէպ վախը: Աստուածաշունչը շատ յստակ կ'ընդգծէ, թէ որոնք են անսակարկելի ճշմարտութիւնները, բայց մեզ նաև տրուած է մեծ ճկունութիւն, թէ ինչպէս կը ներկայացնենք ու կը կիրառենք այդ ամենը:

Քրիստոսը ծառայութեան սկզբնական շրջանին ժողովարաններու աւանդական միջավայրին մէջ կը սորվեցնէք: Ժամանակի ընթացքին Ան մերժուեցան յուղայականութեան իշխանութիւններու կողմէն: Քրիստոսը ժողովարաններուն մէջ այես ողջունեի չէք: Ան նոր միջոցներ գտաւ: Ան սկսաւ սորվեցնել դաշտերուն, շուկաներուն կամ նոյնիսկ նաևակին մէջ: Երբ փոփոխութիւն մտցնելը կը խթանէք Անոր աշխատանքին առաջխաղացմանը, ապա Ան երբեք չէք վարաներ:

Ծնն Ուեսին սկիզբը սարսափեցաւ, երբ Ծորճ Ուայթֆիլտը իրեն գրեց՝ առաջարկելով բաց երկնքի տակ քարոզել: Ուեսին գրեց. «Հոգիներու փրկութիւնը համարեայ մեղը կը սեպէի, եթէ եկեղեցիի պատերէն ներս չ'ըլլար»: Փոփոխութեան պատրաստականութիւնը կարեւոր գործօն էր իր կեանքի ու ծառայութեան աճի համար: Այն նոյնքան կարեւոր է մեզ համար: Փոփոխութիւնները տարօրինակ կը քուան, բայց միշտ այդպէս է, երբ կը սկսինք այլ կերպ գործել:

Ի՞նչ փոփոխութիւններու կը հրաւիրէ Աստուած մեզ այս պահին մեր անձնական եւ եկեղեցական կեանքին մէջ: Պատասխանի առաջին քայլը նշուած է Յայտնութեան գրքի 7 եկեղեցիներուն ուղղուած նամակներու իրաքանչիրին մէջ. «Ան որ ականջ ունի, քող լսէ թէ Հոգին ի՞նչ կ'ըսէ եկեղեցիներուն» (Յայտ. 2:7): Ի՞նչ կ'ըսէ Հոգին իր Խօսքի միջոցով այս պահին: Երբ փոփոխութեան մասին կը մտածենք, մեծ հարցը, որը պէտք է տանը ոչ թէ «Արդեօ՞ք մենք միշտ այսպէս ըրած ենք» հարցն է, այլ՝ «Արդեօ՞ք Աստուած է առաջնորդողը»:

Բարի համբաւ

Մարկոս 14:3-9

Մարկոս 14:3-9 համարները կը խօսին կնոջ մը մասին որ Յիսուսի գլխուն վրայ պատուական իւղ թափեց: Սիմոնի տան մէջ գրտնըուղներէն շատերը դժողի էին այդ իւղին կորուստին համար եւ կը յանդիմանէին կինը ըսելով որ անոր ծախսը կրնար աղքատներուն տրուիլ: սակայն Յիսուս կ'ըսէ որ թող տան այդ կնոջ որովհետեւ անբարի գործ մը կ'ընէր:

Այս համարները կարդալով նշմարեցի որ Աստուծոյ գօրութեան ներգործութեամբ համբաւ ունենալու համար երեք գործնական պայմաններ կան.-

1. **Պէտք է ունենալ ներքին առաքինութիւն,** որ Աստուծմէ կը տրուի մեզի:
2. **Կարեւոր է,** որ մեր ունեցածը կիրարկուի, ի գործ դրուի:
3. **Համբաւ ունենալէ ետք.** խոնարի մնալու ենք:

Նախ եւ առաջ այս կնկան օրինակին երբ հետեւինք պիտի Ակատենք որ ան անհատական ծառայութիւն մը ըրաւ: Մարդ չըրկեց որ Յիսուսի ծառայէ, այլ ինք անձամբ գնաց Յիսուսի ծառայելու: Ուրեմն երբ ծառայութիւն մը պիտի ընեն՝ ներկայացուցիչ մի՛ փնտուեր: Դուն անձամբ ներկայացուր Քրիստոսը:

Երկրորդ՝ նիւթը – երբ կը ծառայես, ունեցածէդ բան մը տալու ես: Այս կինը իր ունեցածը տուաւ: Կիսաթափանցիկ մարմարէ շիշին մէջ շատ արժեքաւոր անուշահոտ ուներ որ Յիսուսի համար գործածեց եւ Յիսուս ընդունեց զայն: Յիսուս կ'ընդունի ինչ որ ունիս: Եկուր Իրեն ինչպէս որ ես:

Երրորդ՝ հանրային վկայութիւն – ինչպէ՞ս պիտի կիրարկենք ինչ որ ունինք – հանրային վկայութիւնով: Շատ անզամ տեղեր գտնուած ենք ուր առիթը ընծայուած է մեզի եւ որ Տէրը ներկայացնենք սակայն դրժբախտաբար լուր մնացած ենք: Երբ հոգեւոր ընտանիքի մէջ ըլլանք բնական կը գտնենք Տիրոց մասին բաժնեկցել, բայց կարեւոր է որ այդ

ընենք մեր հոգեւոր շրջանակէն դուրս ալ: Այս կինը չ'ամչցաւ եւ զալով բոլորին առջեւ այդ ծառայութիւնը կամ վկայութիւնը ըրաւ: Յիսուս ընդունեց այդ ծառայութիւնը եւ խոստում տուաւ որ մինչեւ մեր օրը այդ կինը պիտի յիշուի: Այս բարի համբաւ է:

Այս պատմութեան մէջ երկու բարի համբաւ ունեցող տիպարներ ունինք – Յիսուս եւ կինը: Ինչպէ՞ս Յիսուս բարի համբաւ ունէր. նախ Ան Աստուծմէ եւ մարդոցմէ ստացած Իր շնորհը, իր սրտին մէջ պահելով անցաւ – ներքին առաքինութիւն (Ղուկ. 2:52): Երկրորդը՝ ժամանակի լեցունութեան մէջ կիրարկելու սկսաւ: Յիսուս երբ երեսուն տարեկան եղաւ գործի լծուեցաւ: Սուրբ Խոսքը կ'ըսէ թէ Ան կը պտըտէր բարիք ընելով եւ Աստուծոյ Խոսքը քարոզելով: Մեր ներքին առաքինութիւնը ինչպէ՞ս կրնանք ի գործ դնել – Յիսուսի նման գործի լծուելով եւ կատարելով: Երրորդ՝ Յիսուս խոնարհութեան տիպարը եղաւ մեզի համար, հակառակ որ Ան Աստուծած էր, Իբրև բարձրը չկար: Մենք պէտք է խոնարհինք որովհետեւ Աստուծած մեզմէ շատ բարձր է, մեզի շվայելիք հպարտութիւն, որովհետեւ միայն Ան արժանի է ամէն փառքի եւ պատիվ:

Սուրբ Հոգին Պօղոս առաքեալի միջոցաւ մեզի շատ կարեւոր խորհուրդ մը կուտայ: Բ Կորնք. 10:17-18 համարները կ'ըսեն. «Ով որ կը պարծենայ, Եհովայով թող պարծենայ, քանի որ ընտրեալը ան չէ որ ինքզինք կը ներկայացնէ, այլ ան՝ զոր Տերը կը ներկայացնէ»: Թող Աստուծած թեզ ներկայացնէ, Աստուծոյ ներկայացուցիչը եղիք, թող մի տար որ ուրիշ մը առջեւեղ երթալով թեզ ներկայացնէ, որովհետև խոնարհութիւնդ հպարտութեան կը վերածուի: Ամենամեծ մեղքը որ Արուսեակը ըրաւ՝ սատանայի վերածուին էր՝ իր հպարտութեան պատճառվ:

Ի՞նչ է «բարի համբաւ» հասկացութիւնը: Այդ սքանչելի ինչք մընէ, օրինակ Առակաց 22:1-ի մէջ կը կարդանք. «Բարի անունը (համբաւը) շատ հարստութեան ընտիր է, ու շնորհքը արծաթէն ու ոսկիէն աղէկ է»: Ներքին առաքինութիւնը ուրեմն ինչք մըն է: Համբաւը պատիվի վրայ իհմնուած է: Ուրիշ օրինակ մը կը կարդանք Բ Կորնք. 8:18-24-ի մէջ, եղբօր մը բարի համբաւին մասին: Նաեւ Դանիէլ 6:4-8-ի մէջ կը կարդանք որ չարերը կատեն բարի համբաւը. «Կուսակալներ եւ հրամանատարներ թագաւորութեան գործերուն մէջ Դանիէլի դէմ զան-

պատելու պատճառ մը կը ջանային գտնել: Անոնք բնաւ պատճառ մը կամ չարութիւն մը չկլցան գտնել անոր վրայ որովհետեւ ան հաւատարիմ էր»:

Կան նաև «համբաւներ» որոնք Աստուծմէ չեն եւ վնասներ կը հասցընեն .-

Ա. Տիեզերական գովասանք – Ղուկ. 6:26-ի մէջ Յիսուս լսաւ. «Վա՝ յ ձեզի երք մարդիկ ծեր վրայով աղեկ խօսին, վասն զի իրենց հայրերը այդպէս կ'ընէին սուտ մարզարեներուն»:

Բ. Փաղաքշական խօսքեր – պէտք է հեռու մնալ անոնցմէ որոնք կեղծօրէն կը զգուեն ձեզ: Հռովմ. 16:18 «Խորշեցէք (փախուստ տուէք զգուելով) անոնցմէ որովհետեւ այդպիսիները ոչ թէ Տիրոջ՝ Քրիստոսի կը ծառայեն, այլ իրենց որովայնին եւ քաղցրախօսութեամբ ու կեղծ գովասանքով կը հրապուրեն անմեղներու սրտերը»:

Գ. Աշխարհային ընկերակցութիւն – Յակոբոս 4:4-ի մէջ կ'ըսէ. «Ով որ կ'ուզէ աշխարհը սիրել, ինքինք քշնամի կը դարձնէ Աստուծոյ»:

Դ. Անհոգութեան առարկայ դառնալ – Երք աստուածային համբաւ չէ ունեցած համբաւ, Գաղատացիս 2:6-ի մէջ կ'ըսէ. «Անոնք որ կը կարծին իրենք բան մըն են (Երէ բան մըն ալ երած ըլլային հոգս չէ, որովհետեւ պարապ է, քանի որ Աստուած աշառութիւն չ'ըներ մարդոց), այդ երեւելիները նման բան մը չիմացուցին ինձի»: Պօղոս առաքեալ ըսել կ'ուզէ թէ այդ երեւելիներուն ըսածները Աւետարանին ճշմարտութեան հակառակ էին եւ կը կարծին թէ իրենք բան մըն են: Ոչ աստուածային համբաւներ են ասոնք եւ Աստուած այս տեսակ բաներէն կը զգուի:

Յիսուս բարի գործեր ըրաւ որպէսզի պատիր Աստուծոյ երքայ: Մաքուր կենցաղ ունեցաւ, որովհետեւ Աստուծոյ ներկայացուցիչն էր եւ խոնարի կեանք ապրեցաւ:

Կ'ուզե՞ն բարի համբաւի տէր դառնալ, կ'ուզե՞ն քու պատճառով Տիրոջ անոնք փառաւորուի եւ ոչ հայինուի: Ուրեմն պէտք է ըլլաս խոնարի, պատրաստակամ, տրամարթելի, եւ յօժարակամ Տիրոջմէ գործածուելու: Ինչպէս Հայր Աստուած գործածեց Քրիստոսը, Սուրբ Հռովին ալ Իր խօսքին միջոցաւ կը գործածէ այս կինը, որպէսզի մեզի օրինակ ըլլայ:

Ներսէս եղբ. Պոյաճեան

Հարուստ մեռնիլ ուզող նաւաստին

Sարիներ առաջ Բրիտանական նաև մը Սպանական ոսկի կը փոխադրէր խիստ հսկողութեան տակ:

Ծամբորդութիւնը յաջող էր, նաին անձնակազմը շատ ուրախ: Սակայն օր մը նաւը յանկարծ ջուրով հսկայ ժայռի մը բախուելով՝ ծակեցաւ եւ խւկոյն սկսաւ ջուր լեցուցիլ մէջը: Այսպիսի պարագաներու մէջ բնական է շփորութիւն եւ իրարանցում կ'ըլլայ: Վտանգուած նաւը փըրկելու ամէն միջոց ապարդին անցաւ, բայց նորէն ալ անոնք չմոռցան արժեքաւոր ոսկիի տակառները վեր հանել: Բոլորն ալ կրցան վեր հանել ու տախտակամածին վրայ շարել՝ զանոնք ազատելու մեծ յոյսով: Նաւը սակայն հետզինետէ ջուրով լեցուեցաւ: Ազատութեան ամէն յոյս վերջացած ըլլալով՝ ազատարար նաւականերով ծով իշեցուցին, մարդիկը ծովամոյն ըլլալէ փրկելու համար:

Հսկողութեան տակ առնուած ոսկիի տակառները ա՛լ արժեք մը չէին ներկայացներ: Այդ պահուն իրենց կեանքը ամէն բանէ աւելի արժեքաւոր դարձած էր: Բոլոր նաւակները լեցուեցան մարդոցմով: Վերջին նաւակը երբ ծով կ'իշեցնէին, երիտասարդ նաւապետ սպան նաւակ մըտնելէ առաջ՝ պահ մը կեցաւ, քննական ակնարկ մը նետեց նաւուն բոլոր կողմեր, իբր պարտականութիւն իր պաշտօնին հաւատարմութեան, վստահ ըլլալու համար թէ մէկը մնացած չէ հոն: Բայց ի՞նչ զարմանք, տեսաւ մէկը տախտակամածին վրայ նստած՝ հանդարտօրէն մուրճով ոսկիի տակառները կը բանար եւ իր շուրջը կը դիզէր դեղին մետաղները:

- Ի՞նչ կ'ընես հոդ, ով մա՛րդ, պոռաց սպան բարձր ձայնով, ի՞նչ բանի վրայ կը մտածես: Չե՞ս տեսներ որ ջուրին մէջ կը բաղուի նաւը:

- Ինչ կ'ուզէ թող ըլլայ, ըստ մարդը, իմ հոգս չէ նաւը կընկդմի, թէ ոչ: Ես կեանքիս բոլոր ընթացքին աղքատ ապրած եմ, բայց իհմա որոշած ես հարուստ մեռնիլ, պատասխանեց անմիտ մարդը:

Սպան իր բոլոր ջանքը ի գործ դրաւ մարդը համոզելու որ նաւակ մտնէ, բայց անօգուտ: Ան իր որոշման մէջ անդրդուելի մնաց ու շարունակեց իր աշխատանքը: Ազնիւ սպան տեսաւ, թէ չկրնար խօսք հաս-

կըցնել յամառ մարդուն, ձգելով զայն իր բախտին՝ իջաւ փրկութեան նաւակը ու հեռացաւ նաւէն: Հեռուէն անոնք կրցան տեսնել, թէ ան ինչ-պէս իր յիմար աշխատանքը կը շարունակէր՝ ոսկիի կոյտերուն մէջ նատած: Ազատարար նաւակները բաւական հեռացած էին եւ ալ չին երեւեր ո՛չ նաւը, ո՛չ մարդը, ո՛չ ալ ոսկիի տակառները: Բոլորն ալ բաղուեցան ջուրին մէջ:

Սիրելի՛ ընթերցող, կը տեսն՝ թէ այս անմիտ նաւաստին ինչ մեծ յիշարութիւն գործեց: Անօգուտ հարստութեան խարէութենէն տարուելով՝ իր ազատութիւնը, իր փրկութիւնը մերժեց: Նախընտրեց պահ մը հարուստ ըլլալ, կորստական ոսկիներուն մէջ մնալ որպէս իրը, եւ ապա կորսուի անոնց հետ եւ անոնց համար յախտեան: Ասիկա է պատկերը մարդկութեան մեծամասնութեան: Ոմանք աշխարհի հաճոյքներուն ու մեղքի զուարճութեան ետեւէն վազելով, ոմանք ալ հարստութեան խարէութենէն տարուելով՝ կը մոռնան իրենց յախտենական կեանքը, կը մոռնան իրենց մեծ փրկութիւնը: Կը մերժեն խաչեալ եւ յարուցեալ Քրիստոսը, որ բողութիւն, փրկութիւն եւ խաղաղութիւն կուտայ բոլոր իրեն եկողներուն:

Պատուական հոգի, դուն որ իինա այս տողերը կը կարդաս, ըլլայ, որ այս մեծ փրկութիւնը մերժողներէն մէկը դուն ըլլաս: Զըլլայ որ այս աշխարհի կախարդիշ բաներուն ետեւէն վազելով՝ քեզի համար մեռնող Յիսուս Քրիստոսը եւ Անոր ձրի փրկութիւնը ոտնակոյն ընես ու յախտեան կորսուիս:

Քաղուած՝ «Զմայելի դրուագներ» գիրքէն

«Իրաւցընէ անիկա մեր ցաւերը վերցուց ու մեր վիշտերը իր վրայ առաւ: Մենք զանիկա վիրաւորուած, Աստուծմէ զարնուած ու չարիքի հանդիպած սեպեցինք: Բայց անիկա մեր մեղքերուն համար վիրաւորուեցաւ եւ մեր անօրէնութիւններուն համար ծեծուեցաւ: Մեր խաղաղութեան պատիժը անոր վրայ եղաւ եւ անոր վէրթերովը մենք բժշկուեցանք»:

Եսայի 53:4-5

Յիսուսին հետեւիլ

Sիկին մը հովիտին մօտեցաւ ըսելով. «Ես այլևս եկեղեցի պիտի չյաճախեմ»:

Հովիր հարցուց.- կրնա՞մ արդեօք պատճառը հասկնալ:

Տիկինը պատասխանեց. «Պաշտամունքի ժամանակ կը տեսնեմ մարդիկ մտած են իրենց բջջային հեռախոսներուն մէջ, ոմանք կը բամբասն, ոմանք պարզապէս քրիստոնէական կեանքով չեն ապրիր... բոլորն ալ կեղծաւորներ են»:

Հովիր պահ մը լուռ մնաց, եւ ապա շարունակեց ըսելով. «Շատ լա... բայց կրնա՞մ ձեզմէ քան մը խնդրել նախքան վերջնական որոշում կայացնելը»:

Ան ըսաւ. «Իսկ ի՞նչ կ'ուզէք, որ ընեմ»:

Հովիր ըսաւ. «Գաւաք մը ջուր վերցուցէք եւ երկու անգամ շրջեցէք եկեղեցին մէջ՝ առանց ջուրը գետին թափուելու»:

Ան ըսաւ. «Այո՛, ես կրնամ ընել այդ»:

Որոշ ժամանակ անց տիկինը վերադարձաւ և ըսաւ, թէ առաջադրանքը կատարուած է:

Հովիր անոր երեք հարց տուաւ.

1. Ինչ-որ մէկուն տեսա՞ք հեռախոսին մէջ մտած:
2. Ինչ-որ մէկուն տեսա՞ք բամբասանքով զբաղուած:
3. Ինչ-որ մէկուն տեսա՞ք, որ սխալ կեանքով կ'ապրի:

Ան ըսաւ. «Ես ոչինչ չտեսայ, քանի որ այնքան կեղրոնացած էի այս գաւաքին վրայ, որպէսզի ջուրը չքափուի»:

Հովիր պատասխանեց. «Երբ եկեղեցի կուգաք, պէտք է ճիշդ այդքան Աստուծոյ վրայ կեղրոնացած ըլլաք, որպէսզի չիշմաք: Ահա թէ ինչու Յիսուս ըսաւ՝ «Հետեւէ՛ Ինձի»: Ան չըսաւ քրիստոնեաներուն հետեւէ: Թոյլ մի՛ տուէք, որ Աստուծոյ հետ ձեր յարաքերութիւնները սահմանուին ուրիշներո՛ Աստուծոյ հետ ունեցած յարաքերութիւններով: Մտածէ՛ք թէ որքանո՞վ կեղրոնացած Աստուծոյ վրայ»:

«Յիսուսին նային՝ մեր հաւատքին առաջնորդին ու կատարողին» (Եբր. 12:2):

Քաղուած

Հիւանդանոցի պատուհանը

Երկու լուրջ հիւանդներ հիւանդանոցի նոյն սենեակը կը մնային: Մարդոցմէ մին, օրը մէկ ժամ արտօնեալ էր նստելու մահիճին մէջ, որպէսզի թռքերուն մէջի հեղուկը պարպոի: Սիս մարդը պէտք էր ամբողջ օրը կրնակի վրայ պառկէր: Երկուքը ժամերով կը խօսէին իրարու հետ: Անոնք կը պատմէին իրենց ընտանիքներուն եւ գործերուն մասին: Նաեւ կը բաժնեկցէին բանակին մէջ իրենց ունեցած ծառայութեան եւ արձակուրդի գացած վայրերուն մասին:

Ամէն կէսօրէ ետք, պատուհանին մօտ եղող հիւանդը երբ կը նստէր իր ժամանակը կ'անցնէր սենեկակիցին բացատրելու այդ ամէն բաները որ կը տեսնէր պատուհանէն որուս: Սիս անկողինին մէջի մարդը, երբ կը լսէր այս բաները շատ կ'ուրախանար:

Նստած հիւանդը կը պատմէր թէ պատուհանը հանրային պարտէզի մը կը նայէր ուր գեղեցիկ լճակ մը կար: Բաղէր եւ սագէր ջուրին մէջ կը լողային, մինչ փոքրիկները նաւակներով կը խաղային: Սիրահարներ թեւ թեւի մտած կը գրունիին գունագեղ ծաղիկներու ընդմէջէն եւ հեռուն քաղաքին գեղեցիկ հեռանկարը կը տեսնուէր:

Այս ամէն մանրամասնութիւնները լսած ատեն, միս անկողինին մէջ գտնուող մարդը աչքերը կը գոցէր եւ երեւակայութեամբ կը տեսնէր այդ զմայլելի տեսարանները:

Տարուկ օր մը, ան նկարազբեց անցնող տողանցը մը: Թէեւ միս հիւանդը չէր լսեր նուազախումքը, բայց մտովին կը տեսնէր այդ ամէնը որ բարեկամը կը բացատրէր բառերով:

Օրեր եւ շաբաթներ անցան եւ առսու մը, երբ հիւանդապահուիին ջուր բերաւ հիւանդները մաքրելու, ան՝ պատուհանին կից գտնուող մահիճին մէջ գտաւ հիւանդին անշնչացած մարմինը: Մարդը խաղաղութեամբ մահացած էր քունին մէջ: Բոյժքոյրը տխրեցաւ եւ խնդրեց յատուկ պաշտօնեաներէն որ վերցնեն դիակը:

Անմիջապէս որ ժամանակը յարմար էր, միս մարդը խնդրեց որ զինք պատուհանին մօտի անկողինը վոխսադրէն: Հիւանդապահուիին ուրա-

Խութեամբ կատարեց փոխանակումը եւ հիւանդը տեղաւորելէ վերջ, զայն առանձին բորուց: Այս ատեն հիւանդը կամացով մը ցաւող մարմինով արմունկին վրայ յենեցաւ եւ առաջին ակնարկը նետեց դուրսի իրական աշխարհին: Ան դժուարաւ դէմքը դարձուց պատուհանէն դուրս նայելու համար: Բայց ինչ տեսնէ – պարապ պատ մը:

Ծատ ապշանքով հարցուց բոյժբոյրին թէ արդեօք ի՞նչ բանը ստիպած էր իր մահացած սենեակակիցը որ այդպէս հրաշալի բաներ նկարագրէ: Հիւանդապահուիին ալ զարմանքով պատասխանեց թէ այդ մարդը աշազուրկ էր եւ նոյնիսկ պատը չէր կրնար տեսնել: Ուստի, ան եզրակացուց ըսելով. «Հաւանճար ան կ'ուզէր քեզ ուրախ պահել եւ քաջալերել»: «Արդ՝ եթէ դուր արքայական օրէնքը կը կատարէք գրքին ըսածին համեմատ, թէ՝ «Զու ընկերդ սիրես քու անձիդ պէս, աղէք կ'ընէք»» (Յակ. 2:8):

Քաղուած՝ «Աւետարեր Զիթենին» գիրքէն

Տասը պատուիրաններէն անդին

- Հոգ մի՛ ընելր... իոգ ընելը ապարդին է (Սաղ. 55:22, Փիլ. 4:6-7):
- Մի՛ վախնար... վախերէդ շատերը չեն իրականանար (Բ Տիմ. 1:7):
- Երբ հարցի մը առջեւ ըլլաս, այն ատեն մտածէ անոր մասին (Մատթ. 6:34, Յակ. 4:13-15):
- Օրը օրին ապրէ եւ բեռդ կրէ (Մատթ. 6:34, Յակ. 4:13-15):
- Հանգիստ քնացիր – նիթերդ անկողին մի՛ տանիր (Եփես. 4:26-27, Կոռ. 3:8-10):
- Աշխարհի դժուարութիւնները կրել մի՛ ջանար (Հոռվմ. 14:12):
- Լաւ լսող եղի՛ր... ուրիշներուն ըսածին մտիկ ըրէ (Յակ. 1:19-20):
- Երեկուան մասին մի՛ մտածեր... այս օրը ապրէ եւ ուրախ եղիր (Սաղ. 118:24, Բ Կորնթ. 5:17):
- Դժգոհութեան հոգին մարէ, ինքանիքիդ վրայ մի՛ մեղքանար (Սաղ. 42:11):
- Ամէն օր օրհնութիւններդ քուէ՛ (Սաղ. 103:1-5):

Քաղուած՝ «Աւետարեր Զիթենին» գիրքէն

Փոքր հաւատքը կրնայ լեռներ տեղաշարժել

ACM-ի գործը սկսաւ մօտաւորապէս 24 տարի առաջ: Սկսանք ամսական \$100-ով, չիմանալով թէ ուր պիտի հասնինք: Հետ նայելով մենք միայն կրնանք տեսնել, թէ ինչպէս Աստուած հոգաց ու ապահովեց Իր ծառայութեան կարիքները: Մենք օրինուած ենք այս ամէնուն ականատես ըլլալու համար: Հայ քրիստոնէական առաքելութեան նպատակն է՝ Աւետարանը հասցնել Հայաստանի կարիքաւորներուն:

Հայաստանի մեծութեամբ երկրորդ քաղաք համարուո՞՝ Կիւմրիի մէջ մենք ունինք աւետարանչատուն մը, որը կը ծառայէ Կիւմրիի, Սպիտակի եւ Վանաձորի բնակչներուն: Հայաստանի մայրաքաղաք Երեւանի մէջ Տէրը վերջերս նոր շինութիւն մը պարզեւեց մեզ, որը պիտի ծառայէ որպէս վարչական գրասենեակ: Այժմ մենք ունինք չորս ամբողջ ժամանակով եւ իհնագ կէս ժամանակով աշխատող ծառայակիցներ: Մի քանի գիտերու մէջ կանոնադր կերպով կ'անցկացնենք Աստուածաշունչի սերտողութեան բազմաթիւ խմբակներ թէ՛ չափահասներու եւ թէ՛ մանուկներու համար՝ ներգրաւելով բազմաթիւ կամաւորներ: Մենք նաև Ստեփանակերտի մէջ աշխատակից ունինք, որը հոգ կը տանի պատերազմէն տուժած եւ մեր հովանաւորութեան տակ գրտնընդուող ընտանիքներուն:

Որոշ գործունեութիւններ, որը վերջերս կատարեցինք

Մանուկներ. ուր տարբեր գիտերու աւելի քան 600 մանուկներ մասնակցեցին աւետարանչական քարոզարշավին: Մենք երախտապարտ ենք այս ամէնուն համար եւ օրինուած՝ տեսնելով մանուկներու ուրախութիւնը, երբ կը երգեն ու Աստուծոյ Խօսքը կը սորվին:

Աստուածաշունչի սերտողութեան խմբակներ. Տիրոջնով կ'ուրախանքներ տեսնելով, թէ ինչպէս աւելի ու աւելի մարդիկ կուգան Տիրոջ մօտ: Որոշները շուտով պիտի մկրտուին:

Գրականութիւն. մենք միշտ կը փորձենք քրիստոնէական գրականութիւն ապահովել Հայաստանի համար: Երբեմն տարբեր երկներու մէջ հրատարակուած գրականութիւնը կը բարգմաննենք հայերէնի ու կը տպագրենք այն: Ամբողջ գրականութիւնը անվճար կը տրամադրուի

բոլոր փափաքողներուն՝ ներառեալ Աստուածաշունչ եւ «Ազդարարութեան Փող» երկամսեայ թերթը, որը կը բաշխուի բազմաթիւ եկեղեցիներու:

Հիւանդներու ծառայութիւն. սա կարեւոր եւ ամենաթաճնկ ծառայութիւններէն մէկն է մեզ համար, քանի որ կ'օգնենք դեղորայքի եւ վիրահատութեան ծախսերը:

Զմեռուայ վառելիք. ձմեռը բաւական դաժան է Հայաստանի մէջ, առատ ձիւնով, երբեմն մինչև -35° ջերմաստիճանի կը հասնի: Կարիքաւոր որոշ ընտանիքներ մետաղեայ տնակներու մէջ կ'ապրին, այնպէս որ, այսպիսի ընտանիքներու համար ձմռանը ջերմութիւն ապահովելը կենսական հարց է մեզի համար:

Գիւղացիներուն օգնութիւն. որոշ գիւղացիներու կ'օգնենք՝ կենդանիներ նուիրաբերելով, ջերմոցներ կառուցելով կամ ցանելու սերմեր տրամադրելով:

Ուղղերենի ծառայութիւն. Աստուծոյ կամքով, 25-րդ ուղղերեոր շուտով պիտի ճամփենք Հայաստանի աղքատներուն բաշխելու համար:

Աղօթքի կէտեր.

- Աղօթեցէք մեր մեքենաներէն մէկը փոխելու համար, որը ծառայեց այս վերջին ութ տարիներուն:
- Աղօթեցէք մեր նոր շէնքի վերանորոգման եւ կահաւորման ծախսերու համար:
- Աղօթեցէք երկու հիւանդ զաւակ ունեցող անապահով ընտանիքի տան վարձի համար:
- Աղօթեցէք Օգոստոսին Հայաստան այցելող մեր միսիոներական խումբի համար:
- Աղօթեցէք Սիտնիյի մէջ պահեստ ունենալու համար, որն այնքան անիրաժեշտ է ուղղերենի ծառայութիւնը կազմակերպելու համար:

Սենք ուրախ ենք ձեզ այցելելու Աւստրալիա կամ ԱՄՆ: Եթէ հետաքրքրուած էք եւ կը փափաքիք մեր աշխատանքը ներկայացնել ձեզ, ապա կը խնդրենք մեզ հետ կապ հաստատել info@acmaust.org հասցեով: